

皇朝編年備要

十九

皇朝編年

備要卷第十九

凡四年

神宗皇帝

起辛亥熙寧四年
止甲寅熙寧七年



辛亥熙寧四年

遼咸熙七年

春正月以內侍程昉

同簽書外都水監丞

都大提舉黃御等河同
簽書內侍簽書新制也

渝

夷寇邊

巡檢李宗閔死之。未幾夔路運使孫紹先判
官張詵奏討平夷賊李承秀等斥地七百里

鬻廣惠倉田

為三路及京東常平本其當賑濟即以廣
惠常平倉所貯粟麥給之初王安石建此

議曾公亮曰佃戶或百年承佃有如已業今鬻之則失職上
曰只令佃戶買之安石曰廣惠倉田本是戶絕因置廣惠倉
方不許賣固無百年佃戶也公亮曰凶年賴此賑濟奈何上
曰有常平法凶年不患無賑濟公亮曰利不百不變法上曰

義理可行自無不利安石曰利者義之和公亮曰亦有利二
於公家不利於百姓者不可謂之義上卒從安石之說

月議更科舉法

罷詩賦明經諸科以經義論策試進
士初王安石以為古之取士俱本於

學請興建學校以復古其明經諸科欲行廢罷取元解明經
人數增進士詔兩制兩省御史臺三司三館議之韓維請罷
詩賦各習大經問大義十道以文解釋不必全記注疏通七
以上為合格諸科以大義為先黜其不通者蘇頌欲先士行
而後文藝去封彌謄錄之法直史館蘇軾上議略曰得人之
道在於知人知人之法在於責實使君相有知人之明朝廷
有責實之政則胥吏皂隸未嘗無人而况於學校貢舉乎雖
用今之法臣以為有餘使君相無知人之明朝廷無責實之
政則公卿侍從常患無人况學校貢舉乎雖復古之制臣以
為不足矣夫時有可否物有興廢使三代聖人復生於今其
選舉亦必有道何必由學乎且慶曆間嘗立學矣天下以為
太平可待至于今惟空名僅存今陛下必欲求德行道藝之

士責九年大成之業則將變今之禮易今之俗又當發民力以治宮室斂民財以養遊士置官立師而又時簡不帥教者屏之遠方徒為紛紛其與慶曆之際何異至於貢舉或曰鄉舉德行而略文章或曰專取策論而罷詩賦或欲取唐故事兼取譽望而去封彌或欲變經生朴學不用帖墨而考六義此皆知其一未知其二者也夫欲興德行在於君人者脩身以格物審好惡以表俗若徒欲設科立名以取之則是教天下相率而為偽也上以孝取人則勇者割股怯者廬墓上以廉取人則弊車羸馬惡衣菲食凡可以中上意者無所不至德行之弊一至於此自文章言之則策論為有用詩賦為無益自政事言之則詩賦論策均為無用矣雖知其無用然自祖宗以來莫之廢者以為設法取士不過如此也近世文章華麗無如揚億使億尚在則忠清鯁亮之士也通經學古無如孫復石介使復介尚在則迂闊誕謾之士也矧自唐至今以詩賦為名臣者不可勝數何負於天下而必欲廢之上曰朕固疑此即日召軾問何以助朕軾曰陛下求治太急聽言

要一九

二

太廣進人太銳願陛下安靜以應之上問安石軾何如人且言欲用軾修中書條例安石知軾異已恐上用之也對曰軾與臣所學及議論皆異若修中書條例須與臣意同乃可如軾者別以事試可也於是卒除聲律專意經義罷明經及諸科立新制如安石之議進士罷詩賦各占治詩書易周禮禮記一經兼以論語孟子每試四場初本經義五道論語孟子義各三道次論一道次時務策取諸科解名十分之三增進士額

置京畿等五路學

京東西河東北陝西尋以陸佃等為諸州學官州給田十頃為學糧仍置小學教授。八年秋詔諸州學官先赴學士院試大義五道取優通者選差

以司馬光判西京留臺

光時自永興移知許

州初光在永興宣撫司請修城壁內郡亦如邊郡光奏罷之又請屯兵長安河中邠州光言歲凶無以供億宣撫司賦民造乾糧餼飯光以為嘗嘗造後無用腐弃之民力可惜又奏災傷地分所欠青苗錢許寄閣牒所屬未得依司農寺指揮

惟理詔提舉司惟理如司農寺指揮不得施行牒光知言不用乞判西京留司御史臺不報又上章言臣之不才最出羣臣之下先見不如呂誨公直不如范純仁程顥敢言不如蘇軾孔文仲勇決不如范鎮誨於安石始知政事之時已知安石為姦邪謂其必敗亂天下純仁與顥與安石素厚安石拔之題清要及觀安石所為不敢顧私恩廢公議極言其短軾與文仲踈遠小臣乃敢不避陛下雷霆之威安石兕狼之怒上書對策指陳其失墮官獲譴無所顧忌安石焚惑陛下以佞為忠以忠為佞以是為非以非為是鎮不勝憤懣抗章極言自乞致仕甘受醜詆杜門家居又言陛下惟安石之言是信安石以為賢則賢以為愚則愚以為是則是以為非則非上曰未用論其言與否如光者常在左右人主自可無過光力辭許州固請留臺久之乃從

三月夏人寇邊

是春韓絳

備要十九

三

聚兵必為邊患願罷城築專為持重不聽至是為夏人所陷囉兀亦棄不守初上遣戶部副使張景憲等按視景憲受命即奏曰二城不可守臣固不待到而後知行未半道撫寧已陷至鄜延條奏道路所見百姓憔悴師旅咨嗟願罷徒勞之役廢無用之城嚴勅諸將大為守備而已种諤誤國乞正典刑及言入鄜延界詢求囉兀利害無一人言便者乞速毀廢○諤尋責置許州未幾又貶為賀州別駕

浚漳河

役兵及萬人上患財用不足文彥博曰要豐財安百姓須省事如漳河累年不開何所妨河不在東邊即在西邊利害一也今發夫開河只移得東邊河却掘西邊民田於民則亦何所利王安石曰若治使行地中則有利而無害若或東或西利害一也則禹何須浚川盡力溝洫勞民誠不可輕然以佚道使民雖

慶州兵亂討平之

王文諒者夏國用事臣臧訛尾家奴得罪自歸王安石薦其才加閣門祗候韓絳先遣文諒出界凡官軍斬級多奪與蕃軍至掘塚戮屍為級邠寧廣統

都虞候吳達嘗與文諒爭馬文諒怨之誣以夜至野散會與賊鬪呼達不至及扇搖軍士宣撫司送達慶州獄四十日絳至慶州將斬達部卒喧呼乃復送獄數日賊攻囉兀甚急絳命慶州出兵牽制廣銳兩指揮兼擁達為亂兩作不授甲乃止遂焚北門大譟縱略斬關而出林廣說以逆順多投降者時達已擁眾出餘黨猶在城下廣諭降者曰亂首去矣爾曹本非同惡若聽我不惟得活且有功因收集得百餘人至營激厲約束授以兵器令攻城下兵擒戮皆盡城遂平

韓

絳罷

責知鄧州以撫寧堡失守也責詞云聽用匪人違戾初詔統制士狀綬懷寡謀暴興征師深入荒境卒伍

駭撓橫擢轉戰之傷丁壯驅馳重疲齎餉之役邊書旁午朝聽震驚。其後上命張吉甫為勾當市易吉甫辭以見為李璋指使璋方在降謫一旦捨去義所不安上嘆曰十室之邑必有忠信吉甫雖小人陳義甚高賢於李清臣遠矣可遂其志初清臣為絳管幹機宜會絳貶清臣多毀絳以自全故上薄之

夏四月以常秩為

右正言

秩潁川人舉進士不中退在陋巷為學自得尤長於春秋嘗謂孫復所學商君法耳步過六尺

與棄灰於道者有誅不近人情甚矣皇祐中歐陽脩為州劉敞王回與之遊聞秩居里巷有節行間亦與之燕集由此知名嘉祐五年用胡宿薦命為本州教授英宗召之以疾辭上即位呂公著又薦秩未幾公著守潁脩知青州道過潁秩時已有仕進意二公與秩談時政秩以時政為是脩隨折之安石命本郡以人船送秩赴闕至京師館於太學召對上問所以久不起之意秩對先帝召臣以官故臣不敢至陛下不以官召臣臣所以起上大悅又問安石公著優劣及時政是非秩對青苗等事皆合古義安石知經知道公著不知經不知道脩於浮文為長明日遂除脩自去潁每為詩思潁無不及秩公著薦之尤力一旦秩為安石所誘二人大失望遂不復與相見初呂惠卿章惇輩事脩亦甚謹及脩老失勢不復顧脩歸潁又失秩終身自咎以為知人之繆。秩以處士起為右正言直集賢院判國子監不踰年待制寶文閣兼判太常

寺中間謁告歸汝陰上降詔召之兩制降詔自秩始也會放
進士秩籍太學生之簿於行者置袖間每唱名有之即乞黜
落如是者三四上方披閱試卷秩又有請往往不省秩言秩
大以爲沮謁告不朝一日翰林學士楊繪坐禁中俄有太常
寺吏到院者繪舊判太常命至前詢其來之故即云常待制
以謁告月餘未有詔起令刺探消息揚曰此禁中豈可妄入
我若置汝於戾累及待制汝速出或告秩曰臺官欲以私
規禁中爲言秩大恐遂以病歸既而卒熙寧十年春也

振

河北饑

詔省倉不能多給當貸以常平廣惠倉監司州
縣毋得有所吝抑於民上自即位大修常平法

所蓄既豐名亦不一有曰貸糧種子者有曰借助振貸者以
息振濟者也有曰振糶者減價糶穀以振之也有曰振濟者
直與以振之也上嘗欲改貸糧法爲振濟文彥博曰貸糧法
最古不可罷王安石曰古有賒貸出息即今借助法是也古
有周民艱阨即今振濟法是也故卒改之○是冬蠲諸
路貸糧計米一百六十六萬石錢十一萬緡皆有奇

六

月歐陽脩致仕

初脩請老上不許王安石曰如此人
與一州則壞一州在朝廷則壞朝廷

留之何用上以爲然乃以觀文殿學士太子少師致仕○諫
臣楊繪言今舊臣告歸或屏于外者悉未老范鎮年六十三
呂誨五十八歐陽脩六十五而致仕富弼六十八被劾引疾
司馬光王陶皆五十而求閑散陛下可不思其故耶○脩卒
於明年之八月國朝接唐五代末流文章專以聲病對偶爲
工如揚億劉筠其學博矣然亦不能自拔於流俗反推波揚
瀾助其氣勢時爭慕效之謂之崑體脩年十五六時於隣壁
角破篋中得唐韓愈集本學之後獨能棄時俗故步是時尹
洙與脩俱以古文倡率學者然洙才不逮脩文遂行于世文
體爲之一變庶幾乎西漢之盛者由脩發之詔穎州令其家
上脩所撰

富弼坐格青苗法徙判汝州

先是鄧
綰言知

五代史

亳州富弼責蒙城官吏散常平錢穀妄追縣吏笞之又遣人
持扎下諸縣令未得依提舉司牒施行本州簽判徐公袞以

書諭諸縣使勿奉行詔令乞根治詔迭亳州推勘其富弼令
案後收坐弼奏言昨來不散青苗錢斛其罪不在他人及令
本州簽判徐公袞等密與諸縣書題是臣不敢明廢格新法
又恐諸縣便行支散各曾令其因書傳臣之意諭與諸縣情
狀甚明所以累奏乞獨坐獄成詔落弼平章事為尚書左僕
射徙判汝州弼到汝州兩月乞就西京養疾從之通判唐誼
簽判徐公袞及七縣令佐

秋七月河決北京

新堤築四第

皆坐黜弼明年三月致仕
埽決漂溺館陶永濟清陽以北韓琦言大河泛溢全魏居衝
非通判而下所能預詔釋之上以河漲北使道不通出圖示
近臣王安石曰渭州埽危急二口可且勿問八月溢澶州曹
村十月溢衛州決新堤二埽下屬恩冀貫御河奔衝為一尋
命修二股

楊繪劉摯罷

繪落御史中丞為翰林侍讀學士摯落監察御史裏行監

備要十

六

者范仲淹婚好附流俗非上所建立上以為然因令究東明
事繪言東明百姓千百人詣開封訴超升等第出助役錢事
本府不受百姓既無所訴遂突入安石私第安石問汝來知
縣知否皆云不知又詣御史臺臣以本臺無例收接詞訴諭
令散去退而訪問乃司農寺不依諸縣元定戶等却以見管
戶口量等第均定助役錢數付諸縣管認別造簿籍前農務
而畢臣竊謂凡等第升降視民產高下須憑本縣本縣須憑
戶長里正戶長里正須憑鄰里今乃自司農寺先畫數令本
縣依數定簿豈得民心甘服哉且言助役難行之說有五摯
言願降指揮今來新法逐縣未得施行及根究司農寺承準
是何條制輒有升降等第且言助役法之害有十安石為上
言繪不宜久在言職上批賈蕃可令治其不奉法之罪繪摯
論奏不已安石使張琥為十難以詰之琥辭不為曾布自請
為之且言繪摯內懷邪說有所向背詔令繪摯分析以聞繪
具錄前後論助役法四奏自辨且言曾布自海州懷仁令轉
著作郎今方及一年十箇月遂知制誥夫賢能不待次而舉

王者之善政臣觀曾布天下未見其賢止緣王安石姻家而進筦助役文字以臣所言利害事加之以邪詖欺罔夫正人既呼小人為邪小人亦謂正人為邪何以辨之且布既有所向背指臣則必以勁特自處也薰蕕不可同器臣願從遠竄以清朝列擊言曾布謂臣中有向背則臣所向者公所背者私所向者義所背者利所向者君父所背者權臣今方辨助役之利害而無故立向背之論以朋黨之意教誘天下甚可駭也陛下以臣言為是則事盡於前奏以臣言為非則貶黜之而已雖使復言亦不過所謂十害者是以不復條陳不惟費辭文過蓋以風憲之官而與有司較是非勝負交口相直如市人之詬競者豈不辱陛下耳目之任哉安石曰繪所奏前後反覆今並不分析布所言蕃事擊言所向者公所背者私不知何以為私遂有是命○初擊以是歲四月除臺職未及陛對即上言亳州官吏昨以往滯青苗本錢差官取勘今經累月訪聞命官及干係人甚眾遂成大獄驚駭物聽臣愚以為不依限散青苗錢一言可定而起獄不止有司未測朝廷風旨張皇事勢連逮證佐當此暑月殊可矜恤望速指揮圓結

以王韶為秦鳳洮

邊安撫議開熙河

吐蕃遺種獨喃厮囉一族最盛雖西夏亦畏之朝廷封西平王用為

藩翰歲貢不絕先是關中土人多言其利害雖橫渠張載之賢少時亦欲結客取之既登第乃已仁宗朝韓琦富弼為相凡言開邊者不納王安石進用韶上平戎策謂國家欲平西夏當復河湟河湟復則西夏有腹背受敵之憂今古渭之西熙河蘭鄯皆漢隴西等郡董氈雖國其間而不能制諸羌宜并有之以絕夏人右臂凡數千言投匭以進韶召對方略安石以為奇謀乃以韶為秦鳳路經略司機宜始開熙河之役韶尋上言渭源城下至秦州沿河五六百里良田不耕者萬頃每頃約用錢二萬歲收不下三百石以一百石為人牛糧種外尚存二百石也秦鳳一路接連西番諸蕃貨物歲百千萬盡為商賈之利欲於本路置市易司借官錢為本即一歲之入亦不下一二十萬緡乃以韶為安撫司勾當公事仍詔

秦鳳路經略司借封樁錢三萬付韶募人耕種及以本司見管西川交子轉易貨物赴沿邊置場與西蕃市馬至是除安撫使兼營田市易韶言措置洮河事只用回易息錢未嘗輒費官本文彥博曰工師造屋初必小計冀人易於動功及既興作知不可已乃方增多上曰屋壞豈可不修安石曰主者善計自有付度豈至為工師所欺

王雱為

崇政殿說書

雱安石子也為人剽悍無所顧忌安石與弟安國白首窮經雱從旁剽聞而下

筆貫穿未冠已著書數十萬言年十三時得秦州卒言洮河事嘆曰此可拊而有也故安石力主王韶議雱既登第安石暴進用執政多少年雱尤欲與選乃與父謀曰執政子雖不可與事惟經筵可處安石欲上知而自用乃以雱所作策三十篇及注道德經鏤鬻于市遂傳達于上而鄧綰曾布等又力薦之遂有是命人謂安石必辭乃殊不然但為雱一狀申堂便出

八月高麗來貢

自天聖八年王詢修貢之後絕不通中國者四十餘年詢

備要十九

孫徽嗣立是為文王至是始復來貢

九月辛卯大饗明堂○夏人

請和 乞綏州城願依舊約詔答夏主秉常略曰夏國去秋兵入討朕為民父母亟令班師毋得窮武今國主遣使歸款欲繼舊好休兵息民甚善所言綏州前已降詔更不交割夏國塞門安遠二寨綏州亦不給還○十二月詔歸夏俘明年秋又詔陝西毋侵掠夏境時夏人已進誓表故有是命○上嘗謂安石曰楚建中言昨陝西用兵凡費緡錢七百餘萬有是石安石曰臣亦疑之然建中稽考沈起簿書數果如是錢銀絀縮共千二百萬貫匹一路半年有奇所費已如此之多何由供億

增日選人俸○冬

十月罷差役行募役法

詔差役弊民其罷之更出直募人充役令人戶以等

第輸錢謂之免役錢官戶女戶單丁未成丁不充復者亦等第輸錢謂之助役錢皆呂惠卿所定也

幸新東

西府

去年秋詔作東西府以居執政至是成因幸焉

立出官試法

選人及任子並令試

斷案律令大義或時議乃許出官。六年三月詔進士諸科並令試律義或斷案始出官。八年秋又詔進士第一人以下並試初詔自三人以下始令試法中書習學練身甫言高科任簽判及職官與一州之事其於習法豈所宜緩前此試刑法者世皆指為俗吏今朝廷推恩雖厚而應者尚少若高科不試則人不以為榮矣乃詔悉令試焉。元豐二年夏令

進士免

建太學立三舍法

鄧綰言治平百餘年即未嘗營建太學止是假錫慶

院西北隅廊屋數十間逼窄湫隘詔改錫慶院為太學初太學養士亦未有論選升降之法至是中書言初入學為外舍不限員外舍升內舍二百員內舍升上舍一百員生員各治一經未幾學官焦千之王汝翼梁師孟顏復盧侗五人皆罷初蘇頌子嘉在太學頌復嘗策問王莽後周變法事嘉極論為非在優等蘇液密寫以示曾布曰此輩唱和非毀時政布

大怒責張璠曰君為諫官判監豈容學官與生徒非毀時政而不彈劾遂以告安石安石大怒遂逐諸學官以李定常秩同判監選用學官非執政所喜者不與陸佃黎宗孟葉濤曾肇沈季良與選季良安石妹婿濤其姪婿佃門人肇布弟也佃等夜在安石齋投口義旦至學講之無一語出已其設三舍皆欲引用其黨耳

十一月作中

太一宮



熙寧五年春正月置京城邏卒

皇城卒七十人

聞封府散從官數十人巡

二月振兩浙饑

以兩浙水賜穀十萬

察諉議時政者收罪之

三月立文武換官

法。行市易法

從草澤魏繼宗之請也王安石奏行之置京師市易務凡貨之滯不售者

熙寧五年

平其賈市之欲市於官者則度其抵而貨之行抵當收息之法以戶部判官呂嘉問提舉賜內藏緡錢百萬緡京東路錢八十七萬緡為本尋以權貨務為市易西務下界市易務為東務上界以在京商稅院雜買務雜賣場隸焉元豐七年復改市易下界為權貨務。嘉問及劉佐明年夏並以市易務歲收息錢有羨遷秩。○上嘗問安石曰聞權貨賣冰致民賣雪不售又曰聞賣梳櫛則梳櫛貴賣脂麻則脂麻貴又曰呂嘉問少年不練事用人皆姦猾嘉問不能檢察安石曰在京師官若皆能寤寐飲食不志職事又能曉達事情如嘉問即朝廷可以無事矣

以內侍李

憲為河北沿邊安撫

勾當安撫司公事

夏五月置

通遠軍

詔以古渭為通遠軍命王韶兼知軍古渭唐渭州也至德中陷于吐蕃皇祐中始得其地上將

恢復河隴故命建軍為開拓之漸上嘗言古渭可建軍王安石曰蕃人但見貴種則已悅慕附從若說以中國威靈而懷

栗十九

之以道何憂不集聞近羌夷盡來通遠決曲直既盡來則易成臨長之勢臨長既成則化為內地不難矣。○上尋議授青唐大首領俞龍珂官欲與內殿崇班且厚賜之以動鼓其餘生羌安石言若自朝廷獎擢則安撫司更無可驅誘之理莫若令王韶輩隨事大小與官賞則俞龍珂必為實用上曰王韶恐不敢乞與俞龍珂官安石曰陛下諭旨可也上曰卿將書說與乃從安石議下安撫司授龍珂西頭供奉官賜姓包名順未幾安石以韶書進呈言已拓地千二百里招附三千餘萬口然此特衆人以為異効韶所欲為朝廷施為此尚未髣髴料相公亦不止期韶以此

立宗室

應舉法

非袒免親許應舉補官。○九月宗室試換文資自令鑠始

加趙尚寬

等官

尚寬司農卿高賦秘書監張恂京西提舉先是王安石石言高賦興水利功甚多向以人言放罷初未沾息

欲再勘會推賞上曰善於是并尚寬恂等進呈上諭執政曰尚寬等唐州關田疏水招集人戶殆無曠土已有成效並與

加職以勸天下上又諭人有才不可置之閑處因言漢武帝亦言用人才安石曰武帝所見下所用將帥止衛霍輩至天下戶口減半不能滅匈奴上曰武帝自爲多欲耳安石曰欲亦不能害政如齊桓公亦多欲矣而注厝方略不失爲伯能用人故也上曰漢武至不仁以一馬之欲勞師萬里侯者七十餘人視人命若草芥所以戶口減半也安石曰不仁如此非特人禍陰陽之報亦豈可逃也○初京西多曠土唐州開田尤多尚寬知州事乃按圖記得召信臣故迹益發卒復三大陂一大渠皆溉田萬頃又教民自爲支渠數十轉相浸灌四方之民來者以荒地計口授之貸民官錢買牛比三年廢田盡爲膏腴尚寬在州前後凡五年增戶萬餘安石嘗作新田詩以美之治平初嘗有增秩賜金之命

行保

馬法

詔開封府界諸縣保甲願養馬者聽仍以陝西所市馬選給之○六年又詔司農寺立養馬法凡五路義保願養馬者修成保甲及養馬法上之其養馬法凡五路義保願養馬者戶一疋有物力養二疋者聽以監牧見馬給之或官與其直

使自市無或強與府界毋過三千疋五路無過五千疋在府界者歲免體量草二百五十束先給以錢布在五路者歲免折變緣納錢三等以上十戶爲一保四等五等十戶爲一社以待死病補償者保甲馬即馬主獨償之社戶馬半使社人償之歲一閱其肥瘠先從府界頒馬五路委監司
經略司州縣吏度之於是保甲養馬行於諸路矣
六月詔

以四場試進士○罷考課院○作京城門

銅魚符○王安石求退不許

先是安石乞東南一郡上曰自古君

臣如卿與朕相知極少朕鄙鈍初未有知自卿在翰林始聞道德之說心稍開悟卿朕師臣也斷不許卿出外未幾又求去上曰卿無乃謂朕有疑心朕自知制誥知卿屬以天下事如呂誨比卿少正卯盧杞朕不爲惑豈更有人能惑朕即不須如此安石曰臣非敢言去就但乞均勞佚而已上曰周公爲成王所疑故逃居東及成王不疑則歸周縱朕於卿有疑

熙寧五年

今既相見無疑矣安石固乞退上固留之安石復具奏閣門有旨不許收接安石文字既而上又令內侍趣見安石見上曰陛下不許臣去臣不敢固違然臣實病若更黽勉半年不可強未免再煩聖聽上曰朕不明每事賴卿扶持安石曰陛下以郭逵誕謾故許其辭秦州既而逵譖王韶陛下又從之逵知陛下可欺故敢放肆爲王韶之獄今杜純奏王韶討奄東事純勘官於奄東事本不相關又輒如此誣罔陛下誠能照姦而斷以義則無人敢如此上曰只爲事難得分明者安石曰事何嘗不分明但是陛下不窮究到底前後小人爲欺豈是盡無形迹但以陛下含糊不肯窮究若窮究到底豈有不分明之理○編修條例郭逵原言古者天子隆尊師之禮臣聞陛下以師臣待安石而安石拜走殿陛與冗僚無別願陛下特設殊禮事必咨而後行又曰宰相事無不統宜廢樞府併歸中書合文武於一道歸將相於一職復兵農於一民此堯舜之舉也今安石居宰相之重朝廷有所建置特牽於樞府而不與則陛下任安石不專矣疏奏上甚不悅他日謂

安石曰逢原必輕狡安石曰陛下何以知之上曰見所上書欲併樞密院安石曰人才難得如逢原亦且曉事可試用之○安國安石弟也常非其兄所爲安國爲西京國子監教授頗溺於聲色安石在相位以書戒之曰宜放鄭聲安國復書曰亦願兄遠佞人也去冬官滿至京師上以安石故召對謂安國漢文帝何如主對曰三代以後賢主上曰但惜其才不能立法制對曰文帝自代來定變故於呼吸恐無才者不能然其專務德化一時風俗耻言人過則文帝加有才一等矣上曰王猛佐符堅而令必行今朕以天下之大而不能使人何也對曰王猛專教符堅以峻刑殺人此必小臣刻薄有以誤陛下者願專以堯舜三代爲法則下豈有不從者乎又問安石秉政外論謂何對曰但恨聚斂太急知人不明耳上不悅初安國召對人謂必得經筵由是別無恩命久之只除崇文院校書安國嘗力諫安石以天下不樂新法皆歸咎於兄恐爲家禍安石不聽安國哭於影堂曰吾家門滅矣又嘗責曾布以誤惑丞相布曰足下人之子弟變法何與足下事安國

勃然怒曰丞相吾兄也丞相之父即吾父也丞相若由汝殺身破家慘及先人發掘丘冢豈得不與我事耶

武學 仁宗朝嘗建既而中輟至是復置尋詔生員以百人為額 **河溢北京** ○ **秋**

七月初以文臣為都承旨 故事樞密院直學士之下有都承旨副都

承旨有樞密承旨有諸房副承旨又有所謂逐房副承旨都承旨置於太平興國中亦用士人為之其後更以久次遞遷至都承副都承三年秋上欲復用士人問王安石故事何如
安石言事果可不須問故事為物所制者臣道也制物者君道也陛下若問故事有無是為法所制矣上然之乃以東上閣門使李評為之尋又以皇城使李綬為副都承旨至是評罷乃以起居舍人曾孝寬為之始用文臣也元豐中張誠一自副都承遞遷則又用武臣元祐初復除文臣元符後則專任武
閏月命章惇察訪湖北議開梅山 惇時為中

備要一九

十三

書檢正官命察訪本路農田水利常平等事始議經制南北江蠻初辰州布衣張翹與流人李資詣闕獻書言辰州之南北江乃古錦州地接施黔梓柯世為蠻人向氏舒氏田氏所據地產朱砂黃臘水銀金布良田數千頃來往無山川之險若朝廷出師壓境臣二人說之可使納土上命惇措置未幾惇言招諭梅山蠻徭令作省戶皆歡喜爭開道路迎所遣招諭人得其地東起寧鄉縣司徒嶺西抵邵陽
定內侍養 白沙寨北界益陽四里河南止湘鄉佛子嶺

子法 詔入內供奉官以下私 **八月置鎮洮軍** 王韶舉兵

出塞復武勝軍改為鎮洮秦鳳鈐轄高遵裕兼領之王安石曰洮必為內地武勝更移市易即為都會據夏國上游足以制其死命上令與武勝錢物曰昨韓絳費六百萬貫都無所成今武勝雖更有費亦非妄費安石曰誠如此尋詔置市易司賜錢帛
貶唐垆 監廣州軍資庫初垆自小官上書乞

熙寧五年

喜薦之召對上薄其人除知錢塘縣安石欲留之乃令鄧綰薦爲御史遂除太子中允數月將用爲諫官疑其輕脫將背己立名不除職以本官同知諫院故事未嘗有也坳果怒安石易已凡奏二十疏論時事皆留中不出一日垂拱殿起居坳忽扣殿陛請對事不素請殿中皆驚上令諭坳它日請對坳不肯又令詣後殿坳曰臣所言者請與大臣面辨又再三諭旨坳伏地不起乃召升殿坳至御座前徐於袖中出一大軸曰臣所言皆大臣不法請對陛下一一陳之乃搢笏展疏目安石曰王安石近御座聽劄子安石遲遲坳訶曰陛下前猶敢如此在外可知安石悚然進步坳大聲宣讀凡六十條大略以安石專作威福曾布等表裏擅權天下但知憚安石威權不復知有陛下文彥博馮京知而不言王珪曲事安石無異厮僕且讀且目珪珪慚懼俛首元絳薛向安石頓首氣使無異家奴臺官張商英乃安石鷹犬非陛下耳目也每讀一事畢即指安石曰請陛下宣諭上屢止之坳慷慨自若略不退懼侍臣衛士相顧失色讀畢即指御座曰陛下即不聽

備要十九

十一

臣言不得久居此座降殿再拜而出詔貶潮州別駕安石曰此素狂不足責乃有是命

頒方田均

稅法

方田之法以東西南北各千步當四十一頃六十六畝一百六十步爲一方歲以九月令佐分地計量據

其方莊帳籍驗地土色號別其陂原平澤赤淤黑壩之類凡幾色方量畢計其肥瘠定其色號分爲五等以地之等均定稅數至明年三月畢揭以示民均稅之法以縣祖額稅數冊以舊收蹙零數均攤於元稅外輒增數者禁之若絲綿紬絹之類不以桑柘有無止以苗畝爲定凡田方之角立土爲埒植以野之所宜木有方帳有莊帳有甲帖有戶帖其分煙析產典賣割移官給契縣置簿皆以今所方之田爲正今既具乃以鉅野尉王曼爲指教官先自京東路行之諸路倣焉○初天下之稅割移逃死多或不均京西相度差役官蔡天申言請委提舉司均稅而領於司農先行於河北陝西河東京東詔用其議於是司農寺始立方田均稅法

京西分南

北路 ○ 九月少華山崩

知華州呂大防言少華山前阜頭谷山嶺摧陷其下

平地東西五里南北十里潰散墳裂涌起堆阜各高數丈若堤岸陷居民六社凡數百戶林木廬舍亦無存者並山之民言數年以來谷上常有雲氣每遇風雨即隱隱有聲是夜初昏略無風雨山上忽霧起有聲漸大地遂震動不及食頃即有此變詔賜壓死者家錢貧者官為葬祭

淮南分東西路 ○ 冬十月

置熙河路以王韶為經略安撫等使

改鎮洮軍為熙

州以熙河洮岷通遠軍為熙河路時河州之地猶未得也王安石白上曰武勝一軍攻取不能無惻怛然以其歲相讎殺之數乘除則一為屬戶乃無此患安石又白上曰鎮洮便可建為州通遠鎮洮河州或併割階州為一路僉以階州為遠安石曰未要階州亦可上曰王韶意未欲便并河州恐傷人情安石曰是或一說然如臣計便明下詔割河州屬鎮洮路

備要十九

十

示河州人以必取即人心自折木征無由結合上然之故有是命 ○ 明年二月賜本路緡錢三十萬以助邊費又分秦鳳路軍馬以六分屬之凡兵三萬土

十一月開梅山

湖北

察訪章惇教諭洞蠻開梅山地奏得田二十六萬餘畝尋以梅山地置安化縣 ○ 初張頡首議開梅山及章惇往經制頡時憂居鼎之桃源數遣京師書言南江殺戮過當非辜者十八九以至浮尸蔽江下流之民不敢食魚者數月惇病之欲弭其謗乃言今成功因頡之謀詔賜緡三百匹執政猶恐其異論會頡服闋六年春乃命頡為江淮發運副使且令便道之江淮不敢食魚之謗遂息

張商英罷

商英時為御史劾奏察院黨徒吏人任遠等十二事樞密

使文彥博等皆不入院送印於中書乞付有司推治詔責商英監荆南稅

陝西分六路各

置經略司

永興鄜延環慶四原秦鳳熙河路

十二月兩土



熙寧六年春正月復僖祖祧順祖

先

中書言僖祖毀廟非是乞下兩制議之學士元絳陳繹許將張瓌等言諸儒見稷契有功於唐虞之際以謂祖必有功若祖必有功則夏何以郊繇乎故生民詩序言尊祖而不言尊有功臣謂宜以僖祖為始祖學士韓維曰國語曰契勤商十四世而興稷勤周十五世而興穀梁曰始封必為祖僖祖功業未見有若稷契而以所事契稷奉之恐於古無據臣以仍舊為便天章閣待制孫固以為國家尊據南面皆太祖所授不當以僖祖替其祀請以太祖為始祖而為僖祖立廟如周別祀姜嫄之禮禘祫之日奉祧主東向此韓愈所謂祖以孫尊孫以祖屈之意也判太常寺章衡奏自古有天下必尊祖秦漢以降典章殘缺廟祧遷次始失先王尊祖之意今宜尊僖祖為始祖而順祖在次當遷此所謂子為父屈以定七廟之制又禮記大傳曰王者禘其祖之所自出以其祖配之說者謂祭所感帝則配以始祖伏請以僖祖配饗上辛感生帝之祀

備十九

十一

而罷宣祖侑神之位禮官張師顏亦請以僖祖為別廟蘇軾又請以禘祖祫景靈宮上以問王安石安石曰祖立別廟自古無此禮姜嫄所以有別廟者蓋姜嫄禱神也以先妣故盛其禮與歌舞皆序於先祖之上不然則周不為魯立廟而立姜嫄何也上曰善於是中書請用絳等議奉僖祖為太廟始祖而遷順祖孟夏祀感生帝以僖祖配詔恭依絳等初議安石所主也安石本議以僖祖配天上頗難之故更以配感生帝以僖祖配感生帝則章衡等所議亦與安石合故也○戶部侍郎致仕范鎮上言伏見英宗皇帝即位議祧遷僖祖陛下即位祧遷僖祖今復還僖祖祧遷順祖則是僖祖長東向而為不遷之主矣太祖皇帝自宋州節度有天下國號為宋與高祖起漢中國號正同僖祖不當復還竊見國朝大臣定謚皆下太常尚書省集百官參議况宗廟祧遷最為大禮而未更講論竊恐不當祖宗之意伏乞下太常尚書省集百官定議

二月永昌陵上宮火○王韶克河州

獲西番首領河州刺史木征妻子初王韶已破木征於鞏令城穿露骨山南入洮州界諸將皆欲直趨河州韶曰兵抵城下木征必為外應四山諸羌得氣全集則大事去矣乃遣景思立攻河州而自將尾木征所在與戰破之斬千餘級獲木征妻子然後抵城下時守者猶以為木征應已既而知其非是乃降韶之穿露骨山也以道險狹捨馬徒行者一日上初未知兵之所趨聞之憂甚王安石曰軍如奕棋然若一着止應一看則理無可勝若我一能應彼二三則敵在吾術矣臣料韶必聲言討河州而潛師乘間由洮西不虞之道以攻洮岷所不戒已而果然捷書至上謂安石曰非卿主謀於內無以成此未幾木征復入河州

親試舉人
賜余中以下千二百餘人及第出身有差賜錢三千緡為

期集費進士諸科舊以甲次高下率錢期集貧者或稱貸於人

置諸路學官
詔諸路擇舉人最多州軍依五路法各置教授仍命中書選舉學官

三月置經義局命王安石

提舉

訓詩書周禮義命王安石提舉以呂惠卿王雱同修撰新進士余中白衣徐禧吳著為檢討先是上諭執政曰今歲南省所取多知名人舉人皆趨義理之學極為美事安石曰民未知義則未可用况士大夫乎

夏人

寇秦州劉惟吉敗之○封李乾德
五年春交趾來告李

日尊卒子乾德嗣至是乃加封冊為交趾郡王
夏四月甲戌朔日有食之

置律學

置教授四員公試習律令生負義三道習斷案

置濬河司

初有選人李公義者

賀且請復常膳從之
生負一道刑名五事至七事私試
義二道案一道刑名五事至三事
獻鐵龍爪揚泥車法以濬河內侍黃懷信以為其法未盡乃別制濬川杷謂禹所以濬川者也人皆知其不可用惟王安石信之至是乃別置濬河司命外都水監丞范子淵為都大提舉開直河用杷爪疏濬二股及清水河道八年閏四月賜

公義懷信田各二十頃公義請先自北京至海驗一過之功是秋河溢大名判府文彥博奏河溢壞民田多者六十村戶至萬七千少者九村戶至四千六百上既蠲其租乃命都水詰官吏水災如此胡不以聞都水第言濱河薄有水患而已九年安石去位始命覆驗遂罷局復併一司止令子淵提舉先是子淵奏用把疏濬二股河上下奪過水勢復歸二股退出民田數萬頃乞推賞官吏朝廷下彥博覆實彥博奏河水浩大非把可濬夏溢秋涸固其常理去年八月霜降水落方露所退地是豈疏濬之功今年把未嘗用退地更多又所濬河身盡在水底深淺固不可知雖河濱愚人皆知其無益臣不敢雷同欺罔詔知制誥熊本行視本奏如彥博言十年五月乃命御史蔡確與知諫院黃履致獄定奪明年正月獄成子淵追一官本落職分司西京餘得罪者數人

五月瀘夷寇邊

景思忠命

熊本體量之

本時為中書檢正

置勇敢效用

河東鄜延秦鳳環慶熙河

路各以三百人徑原路以五百為額以弓弩斗力定三等料錢視為高下不刺手不置營季首赴經略司閱試及本軍注籍遇有邊事追集給口食借官馬給草料教習日射中者有賞不中裁料錢次季又不中勒停有戰功以八等定賞仍頒行諸路

六月置軍器監

王雱言今天下甲冑弓弩以千萬計而無一堅利者為武備臣

謂莫若更制其法斂數州之所作而聚以為一若今錢監之比擇知工之臣使典其職且募良工為匠師上頗采雱說置軍器監總內外軍器之政以呂惠卿為判監

周惇頤卒

惇頤初名惇實字茂叔後避英宗舊諱改

今名初用舅氏奏授洪州分寧縣主簿縣有獄久不決一訊立辨部使者薦之為南安軍司理時年尚少不為守所知洛人程珣攝通守事視其氣貌非常人與語知其為學知道也因與為友且使二子顥頤往受學焉及為郎故事當舉代每一遷授輒以其名聞二子即所謂河南二先生者也南安獄有囚法不當死轉運使王逵欲深治之逵苛刻吏無敢與相

可否博順獨力爭之不聽則置手板取告身委之而去曰如此尚可仕乎殺人以媚人吾不爲也遠亦感悟囚得不死後擲及桂陽皆有治績知南昌縣人迎喜曰是能辦分寧獄者吾屬得所訴矣於是更相告語莫違教命蓋不惟以抵罪爲憂實以汙善政爲耻也遷合州判官事不經其手吏不敢決苟下之民不肯從蜀之賢人君子皆喜稱之趙抃時爲使者或讒之抃抃疑焉及守虔博順適佐州事抃熟視其所爲乃執其手曰幾失君矣今日乃知周茂叔也知邵州新學校以教其人熙寧初除廣南轉運判官改提點刑獄在嶺表時不憚出入之勤瘴毒之侵雖荒崖絕島人跡所不至亦必緩視徐按務以洗冤澤物爲己任施設措置未及盡其所爲而病作亦會水嚙其先墓遂求南康軍以歸既葬上其印綬分司南京至是卒年五十七博學力行聞道蚤遇事剛果有古人風爲政精密嚴恕務盡道理以名節自砥礪奉已甚約俸祿蓋以周宗族賓友家或無百錢之儲及分司而歸妻子饘粥或不給而亦曠然不以爲意也襟懷飄洒雅有高趣尤樂佳

十九

十九

山水遇適意處或徜徉終日廬山之麓有溪焉發源於蓮華峯下合於溢江博順家世道州營道濂溪人也因寓以濂溪之號而築書堂於上有太極圖易說數十篇傳於世豫章黃庭堅詩而序之曰茂叔人品甚高胸中灑落如光風霽月知德者亦深有取於其言云

秋七月河北分東西路○八月

收免行錢

先是京師百物有行官司所須俱以責辦下逮貧民浮販類有陪析故詔提舉市場務呂

嘉問及開封府司錄朱談同詳定諸行利害以聞於是嘉問等奏言衆行願出免行錢乞許本所酌中裁定均爲吏祿報可至是遂約諸行利入厚薄令納錢以賦吏祿與免行戶祇應自今禁中賣買並下雜買務仍置市司估物之低昂凡內外官司欲占物價則取辦焉○越明年春詔聞鎮定州民有拆賣屋木以納免行錢者令有司體量上因言役錢市場免行錢之擾王

九月置兩浙和糴倉

從相度兩浙水利沈括之言也

安石難之

括言浙人以治田為生所入甚廣宜立法以歛散之

試武舉

二十四人授緣邊任

王韶克

洮岷等州

王韶既克河州面瞻吳比率疊宕諸羌脅青唐欲擾邊遣高遵裕攻降之通洮山路岷州

木令征以城降獻麥牛以千萬計因糧而食師以無乏進兵岷州於是疊州歛令征洮州郭廝躬皆相繼聽命而巴羶角亦以其族歸於是洮岷疊宕皆復幅員二千餘里又據青唐咽喉之地而邊堦益斥矣○上尋以熙河役兵死亡甚多顧輔臣惻然久之且曰此何異以政殺人越明年春命比部員外郎沈起乘驛體量仍令至修築城寨功役處分委使臣時其飲食居處以撫循之別立勸沮之法以聞○自開建熙河歲費四百萬緡七年以後財用出入稍可會歲常費三百六十萬緡○越明年韶破西蕃築訶諤城首領木征率酋長八十餘人詣軍門降詔賜木征姓趙名思忠命居熙州給田四十頃冬十月以熙河功解玉帶賜安石

備要一九

十

賀上解所服玉帶賜之○如王韶資政殿學士朱幾遷觀文殿學士未嘗執政而除者自韶始

振兩浙

江淮饑○章惇平懿洽州蠻

惇言三路進兵討平之尋以懿州置

杭州行折二錢

除在京及府界外諸路並通行八年併行於在京府界元豐元年在京府界復罷○

自王安石為政始罷銅禁姦民日銷錢為器邊關海舶不復譏錢之出國錢日耗八年張方平因對極論其害請詰問安石舉累朝令典一旦削而除之其意果安在

十二月置中書諸房習

學

以徐禧為中書戶房習學公事禧洪州布衣先為修撰經義所檢討呂惠卿獻禧所為治策二十四篇上善之

王安石曰中書檢正官如章惇輩朝廷當即有差除後更用人即有不稱難於退詘欲置人為習學上以為然以選人習學行檢正事自禧始



熙寧七年春正月熊本平瀘夷

初命本措

置瀘州清井監夷至是本奏撫定降者得地二百四十里聯屬夷為保甲○未幾渝州獠人木斗叛詔本體量安撫本破賊黨木斗以溱州地來歸得五百里為四寨九堡奏至朝議欲除本天章閣待制上曰日本之文朕所自知及還遂命知制誥

二月董種遣將寇邊

知河州景思立死之先是董種將青宜結鬼章數擾

河州屬蕃襲殺河州采木軍士害使臣張晉等又以書詆思立思立不能忍帥漢番兵六千攻之于踏白城鬼章眾二萬餘思立與先鋒將王寧承受李元凱戰沒賊遂圍河州又圍岷州道路不通者數月或請退保總管高遵裕曰敢議此者斬登西門選偏將出擊之賊遂退走尋以遵裕為岷州團練使旌守城功也

三月旱○減

兩浙預買紬絹

先是遣沈括察訪兩浙括言上供帛元額九十八萬民間陪備甚多後發

運司以移用為名復增十二萬請罷之以寬民力從之

遼使來言疆事

二年虜使蕭卮

館伴王洙詰之平入對上因問之對曰嘉祐歸因以洙彙上掌言之朝廷討論之詳矣命蕭禧來爭河扈不能對錄其條目付扈以東地界張方之○虜國書大略言河東路沿邊增修戍壘起鋪舍侵入彼國蔚應朔三州界內乞行毀撤別立界至等事禧辭歸上面諭以三州地界俟差職官與北朝職官就地頭檢視定奪雄州外羅城今修已十三年即非創築又非近事北朝既不欲如此更不令接續增修白溝館驛亦俟差人檢視如有創蓋樓宇箭窠等並令拆去屯戍兵級並令抽回國書亦云儻事由夙昔

求直言

翰林學士承旨韓維對上曰久不雨朕夙夜焦勞奈何維曰願陛下痛自責已詔求直言又言近日都內督青苗甚急往往鞭撻取足至伐桑為薪以易錢貨旱災之際重罹此苦夫動甲兵危士民匱財用於荒夷之地朝廷處之不疑行之甚銳至於蠲除租稅寬裕逋負以

救愁苦之良民則遲遲而不肯發望陛下自奮英斷行之過於養人猶愈過於殺人也上感悟即命維草詔其略曰自冬迄今旱暵為虐永惟其咎未知收出意者聽納不得於理歟獄訟非其情歟賦歛失其節歟忠言讜論鬱於上聞而阿諛壅蔽以成其私者衆歟何嘉氣之久不效也應中外文武臣僚並許實封言時政得失○先是天久不雨河東河北陝西飢民皆流入京城而京城外飢民尤多監安上門福清鄭俠畫而為圖且上書曰陛下南征北伐皆以勝捷之勢作圖來上料無一人以天下憂苦父母妻子不相保遷移困頓遑遑不給之狀為圖而獻者臣謹按安上門逐日所見繪成一圖百不及一但經聖眼亦可流涕况於千萬里之外哉陛下觀臣之圖行臣之言十日不雨乞斬臣以正欺君之罪上出俠圖及疏示輔臣問王安石曰識俠否安石曰嘗從臣學固乞避位上不許於是遂詔韓維孫永體量免行錢曾布體量市易又發常平倉及放商稅而青苗免役亦權罷催俠又自劾擅發馬遞詔開封劾擅發之罪○司馬光自判西京留臺絕

口不論時事至是讀詔泣下復陳六事一曰廣散青苗使民負債日重而縣官無所得二曰免上戶之役斂下戶之錢以養浮浪之人三曰置市易司與細民爭利而實耗散官物四曰中國未治而侵擾四夷得少失多五曰團結保甲教習凶器以疲擾農民六曰信狂狡之人妄興水利勞民費財若其瑣瑣米鹽之事皆不足為陛下道也○河北西路運使劉航應詔論時政五事不報又言人君不可有輕天下心宜乘時有所改為則人心悅而天意得矣語尤切至因力奏求罷○天章閣待制李師中應詔言旱既太甚非有應天之實不足以塞天變請召司馬光蘇軾蘇轍復置左右以輔聖德呂惠卿因摘其語以激

夏四月權罷方田及編排保

甲是日雨

詔權罷災傷路方田
編排保甲造五等簿

雨雹○王安石

罷

安石執政六年先是上侍太后同岐王穎至太皇太后宮太皇謂上曰吾聞民間甚苦青苗助役錢盡罷之上

熙寧七年

曰此以利民非苦之也太皇曰王安石誠有才學然之者甚衆上欲保全不若暫出之歲餘復召之可也上曰羣臣惟安石爲國家當事願曰太皇太后之言至言也陛下不可不思上怒曰是我敗壞天下耶汝自爲之願泣曰何至是耶皆不樂而罷安石益自任一日太皇太后及皇太后又流涕爲上言新法之不便者且曰王安石變亂天下上流涕退命安石裁損之安石重爲解乃已會久旱百姓流離上益疑新法不便欲罷之安石不悅求去上以手詔諭安石欲處之以師傅之位留京師而求去益堅上手詔諭曰更不欲再三邀卿之留已除制命除知江寧府安心休息以適所欲朕體卿之誠至矣卿宜有以報朕手劄具存無或食言從此浩然長往也

以韓絳同平章事

呂惠卿參知政事

上賜王安石詔曰韓絳欲得一見卿意者有所諮議卿可爲朕詳語

以方今人情政事之所宜急者安石薦絳代已仍以惠卿佐之於安石所爲遵守不變也時號絳爲傳法沙門惠卿爲護

備十九

廿三

法善神惠卿慮中外或言新法不便以書遍遺諸路監司郡守使陳利害又白上下詔戒勅略曰今法行已見其効而吏

榷蜀茶

初蜀之茶園皆民兩

或不能奉承朕終不以吏或違法之故輒爲變法敢有弗率必罰無赦

稅地不植五稼惟宜種茶賦稅一例折輸及王詔建開湟之策委以經略乃命李杞等入蜀買茶應副秦鳳熙河路博馬

自是蜀茶始行權法初稅額總錢三十萬緡及杞經度創設官場歲增至四十萬其後李稷加爲五十萬元豐末陸師閔

加至百萬云

五月大雨雹○罷制科

從呂惠卿之請也馮京曰漢唐以來

豪傑多從此出惠卿曰制科止於記誦非義理之學又曰進士已試策與制科策無異乃詔罷之

以呂升

卿沈季良爲崇政殿說書

上嘗以外事問王安石安石曰陛下從誰

得之上曰卿何必問所從安石曰陛下與他人爲密而獨隱於臣豈君臣推心之道乎上曰得之李評安石由是惡評它

熙寧七年

日安石以密事質於上問於誰得之安石不肯對上曰朕無
隱於卿卿乃隱於朕乎安石不得已曰朱明之言之上由是
而惡明之明之安石妹夫也安石既出呂惠卿欲引明之為
侍講上不許曰安石更有妹夫為誰惠卿以季良對上即召
季良與惠卿弟升卿同侍講升卿素無學術每進講多捨經
而談財穀利害上有問不能對輒目季良上問難甚苦季良
屢屈上問從誰受此義對曰受之安石上笑曰且爾季良雖
黨安石然常非王雱呂惠卿所為謂必累安石雱等深怨之
故不得
甚進用

廣太學

為屋百楹學
者以千計

六月治臺獄

竄鄭俠

編管汀州俠獻流民圖朝廷以為狂而不問唯
劫擅發馬逆之罪俠又上書言天旱由王安石

所致安石既罷呂惠卿執政俠又言惠卿朋黨姦邪壅蔽聰
明獨馮京立異敢與安石較請出惠卿用京為相且言京及
元絳孫永王介四人者皆仁義
人也惠卿大怒白上重責之

秋七月行手實法

呂

卿獻議曰免役出錢未均出於薄善之不善

戶令手實者

令人戶具其丁口田宅之實也嘉祐勅造簿委令佐責戶長
三大戶錄人戶丁口稅產物力為五等且田野居民者戶長
豈能盡其貧富既不令自供手實則無隱匿之責安肯自陳
又無賞典孰肯糾告以此舊簿不可信用謂宜做手實之意
使人戶自占家業如有隱落即用隱寄產業告賞之法庶得
其實凡造五等簿預以式示民令依式為狀納縣簿記第其
價高下為五等乃定所當輸錢非用器田穀而輒隱落者許
告有賞三分以一充賞凡田產皆先定中價示民乃以民所
占如價計錢命行之○初免役之法行民以貲產出錢時曲
陽縣尉呂和卿首校一鄉戶之高下役之重輕第為數等以
應令定帥李肅之深喜之未及行而和卿以憂去於是惠卿
領司農條例

八月曾布罷

自三司使出知饒州呂嘉問
知常州王安石之罷相也呂

遂奏行之
惠卿以布所按提舉市易呂嘉問事付章惇曾孝寬置獄軍
器監鞠之布言與惇有隙上曰有孝寬在未必不直獄具布

竟坐論市易違法不實黜初市易之建布實同之既而揣上
意疑市易有弊遂急治嘉問會惠卿與布有隙乘此擠布而
議者亦不直布也布由安石進既得政乃寢與安石異後惠
卿亦叛安石獨惇終始不肯安石云○尋以嘉問提舉河北
便糴糧草○初安石既有江寧之命張諤與嘉問持安石而
泣安石勞之曰已薦呂惠卿於上矣二人遽收淚謝安石

置提舉保甲官

時河東河北陝西三路義勇保甲凡
百萬上欲擬後周八柱國法使侍從

官提舉不以隸帥府河北三十餘萬先集以沈括曾孝寬為
提舉官領之○元豐二年冬以內侍王中正為府界提舉官
於是中正獻民兵保伍法請以時教習詔從之未踰年便殿
臨閱以武藝出倫補班行者百數餘以次賞金帛下其法河
北河東陝西三路
而置使如府界焉
九月遼使來議疆事于代州

遼使蕭素來遣劉忱呂
大忠與之共議于代州

三司火

焚屋千八十楹案牘殆
盡詔三司權於尚書省

備要十九

廿五

蒞事仍詔諸路熙寧五年文
帳悉封上防其因火為姦也

團併諸路將兵

先是上
諭輔臣

曰祖宗之兵率二三年一出戍相屬於道故將不得專兵兵
不為將用以葦藩鎮之弊承平既久不可以戰會北虜來議
雲中地樞密副使蔡挺請召還河北緣邊戍兵亦以無事因
得積邊儲仍乞置三十七將將料有正副以畿縣及諸道兵分
隸皆給虎符上從之乃部分諸將總隸禁旅使兵知其將將
練其士謂之將兵選經戰陣大使臣充將副河北一至十七
府界十八至二十四京東二十五至三十三京西三十四至
三十七凡三十七將所領屯戍等兵二十萬人○尋復分鄜
延環慶涇原秦鳳熙河之兵在鄜延者九在涇原者十一在
環慶者八在秦鳳者五在熙河者九合為四十二將尋又增
置馬軍十三指揮忠果及土軍共十二指揮於京西唐鄧等
州○元豐四年又詔團結東南南路諸軍為十三將淮東路第
一淮西第二浙西第三浙東第四江東第五江西第六湖北
第七湖南潭州第八全邵永州準備廣西應援第九福建第

十廣東第十一廣西桂州第十二邕州第十三總天下兵九十二將而東南兵三千以下惟置單將云而鄜延五路又有蕃漢弓箭手亦各附諸將焉。○六年併熙河九軍爲五軍。○祖宗制兵之法有四曰禁兵將兵附焉曰廂兵曰民兵鄉兵保甲繫焉曰蕃兵禁兵者天子之衛兵也殿前侍衛二司總之其最親近護從者號諸班直其次總于御前忠佐軍頭司皇城司驍驍院餘皆以守京師備征戍其在外者非屯駐駐泊即就糧軍也廂兵者諸州之鎮兵也各隸其州之本城專以給役內總于侍衛司而尚書兵部掌其政令自騎射至軍城其名凡二百二十三熙寧間始移併省廢除軍城以待有罪配隸之人壯城專治城隍別爲一軍外教閱廂軍皆自爲額其教閱者號廂禁軍鄉兵者籍郡縣鄉里及旁塞之民與其丁壯子弟之應募者隸習武事備戰守曰義勇曰弓箭社曰保毅曰寨戶曰彊人曰土丁曰弩手曰洞丁曰槍手曰槍杖手曰弓箭手曰勇毅各因其方之名而名之通謂之鄉兵熙寧以來民兵莫盛於保甲餘則多承舊制而所謂蕃兵者

要九

廿六

取旁塞熟羌官其酋給廩賜因糾合其人而用之也。○按兵志元豐之籍禁軍凡六十一萬廂軍凡二十二萬皆有奇

以章惇爲三司使

三司火惇時判軍器監遷領所部役兵救火上御樓問救火者誰左

右以惇對上悅故有是命惇乞借內藏錢五百萬緡令市易司選能幹之人往四路入中筭請鹽引及乘賤計置糴買卜月詔借以二百萬緡未幾又詔借以三百萬緡買陝西鹽鈔

詔留常平錢穀

先是諸路

早災有司不能振濟上諭輔臣曰天下常平倉若以一半散錢取息一半減價給糶使二者如權衡之相依不得偏重民必受賜今有司務行新法惟欲散錢至於常平舊規無人留意者大凡前世之法度有可行者宜謹守之今不問利害如何一一更變豈近理耶上批諸路常平錢穀十分以上散民間若遇水旱須救濟及緩急朝廷移用則卒難斂索宜速指揮諸州縣據所管已支見在錢數常留半外方得給散其見有倚閣戶母再給

冬十月置三

司會計司以韓絳提舉

明年九月罷

十一月己未

郊○十二月復元積中等官

積中李大臨蘇頌呂大防郭達李師

中劉摯唐垌錢顛孫昌齡張戩王子韶程顥胡宗愈薛昌朝林旦范育張商英李周周約賈青李孝純張端玉子淵凡二十四人或復舊職或量移或與合入差遣時責降應復者四十餘人呂惠卿意所惡者輒廢格不行胡宗愈劉摯皆坐言事落職外補宗愈又先責至是惟摯復舊職
置熙河買

馬場

凡六處運蜀茶以市之從王韶之請也歲買馬萬五千匹繼又詔增為二萬匹復詔茶稅息錢亦與熙河

市馬仍罷原渭州德順軍買馬場○市馬舊制惟河東陝西川陝而以河東者為最其後又仰給於西邊市於蜀者已久而非邊軍所仰給熙河用兵馬道梗八年乃詔知成都府蔡延慶提舉戎黎州買馬會威茂夷入寇邊而西邊馬已至詔

備要一九

共七

罷之元豐中乏馬又置嘉雅等州馬場而馬皆不至亦罷之大抵蜀馬不耐寒苦劣於西北遠甚所市之數則惟沈黎為多其他如戎瀘等處第存優卹數馬而給其直以微利羈縻之而已
以王韶為樞密副

使

賞熙河之功也其後安南之役韶爭之以為貪虛名而忘實禍且言熙河事臣本意不費朝廷而可以至伊吾

盧甘初不欲令熙河作路河岷州也韶本鑿空開邊驟躋政地乃以勤兵費財歸曲於朝上由是不悅十年春罷知洪州
是歲收頭子錢
三月詔役錢每千別納五文輒圓融者以違制論先是公家之費有

數于民者謂之圓融多寡之數出於臨時汙吏乘之以為姦遂悉禁焉

皇朝編年

備要卷第十九

熙寧七年

